

**31 IULIE**  
**RUGACIUNEA 2**  
**SF.MUCENIC**  
**IURIE NOVITKI**  
**DE LA ST.PETERSBURG**

**Молитва вторая**

О, святой новомучениче Юрие Петроградский!  
К тебе, предстателю святой, прибегаем, яко не  
имамы дерзновения ко Господу за премногия  
грехи наша. Ты же, страстотерпче святой, в  
земном житии твоём столп веры православных  
быв и исповедник добрый, укрепи нашу веру, да  
возможем противустати всем кознем лукаваго,  
испроси нам у Всемилостиваго Бога вся  
благопотребная душам и телесем нашим,  
заблуждающих обрати, недугующих исцели,  
юныя просвети, да уведят благочестия доброту и  
греха безобразие, даждь нам утешение в  
печалех, пробуди в сердцах наших покаяние,  
возжги в сердцах наших пламень Божественных  
любве и всем вся даруй, яже ко спасению  
потребное и полезная, да всеблаготворным  
предстательством твоим избавимся от всякия

беды и напасти, и да будем благоуспешны в  
трудех наших. Услыши моления наша,  
благотворне Юрие, ко иконе твоей с верою и  
любовию припадающих, яви нам многомощное  
твое заступление, соблюди град Петров, его же  
возлюбил еси, и вся грады и веси русския от  
напастей ненаветны, да славим дивнаго во  
святых Своих Бога, Отца и Сына и Святаго  
Духа, ныне и присно и во веки веков. Аминь.